

文淵閣

影印

四庫全書

影印

文淵閣四庫全書

第五三三冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

湖廣通志

清

邁柱等監修
夏力恕等編纂

……一

欽定四庫全書

史部
湖廣通志卷四十七

欽定四庫全書

湖廣通志卷四十七

鄉賢志

古者論士必於鄉而士大夫之賢者皆得祀於其鄉惟鄉黨有定論斯國史亦從而採輯焉滔滔江漢南國之紀若尹內史之文武為憲孟吉公之忠孝雙美著名經史尚矣至於經國型方勤學敦行或出或處皆名教之樂地人倫之標準也

欽定四庫全書

湖廣通志
卷四十七

本朝釐定祀典各省鄉賢皆奉

旨下禮部覈品行而定去留法綦嚴矣榮亦有加焉鄉之後進瞻俎豆而企風徽獨無卓然興起以繼前賢之芳躅者乎

武昌府

三國孟宗

詳孝子志

唐李邕郡縣志字太和其先江都人父善徙居鄂州之永安唐書列傳邕少詣李嶠願一見祕書嶠薦之

詳校官監察御史臣陳化龍

檢討臣德生覆勘

總校官知縣臣繆琪

校對官助教臣羅萬選

謄錄監生臣李觀光

假直祕閣未幾辭去嶠問以奧篇祕帙對辨如響拜
左拾遺會宋璟奏張昌宗有不遜語請付法則天不
應邕進曰宋璟志安社稷非為身謀望陛下可其奏
則天色解明皇時為陳州刺史張說忌之以事下獄
許州人孔璋上書救之減死謫貶遵化縣尉後從中
官楊思勗討賊有功歷括淄滑三州刺史上計京師
阡陌聚觀以為古人天寶初歷汲郡北海太守李林
甫因事矯殺之年七十餘邕早擅才名雖謫外中朝
欽定四庫全書

湖廣通志
卷四十七

衣冠天下寺觀多齋金帛往求其文有集七十卷後

贈祕書監

李鄴唐書列傳字建侯邕從孫第進士為李懷光所
辟歷監察御史懷光叛鄴陷賊中密與高郢刺賊虛
實及所以攻取者白諸朝事泄懷光詰責鄴詞氣不
撓三軍感動懷光囚之河中賊平入為吏部員外郎
徐州張建封卒兵亂囚監軍迫建封子愔主軍務帝
以鄴剛敢拜宣慰使持節直入其軍諭以禍福出監

軍獄中復其位衆不敢動愔上表謝罪還稱肯遷郎
中憲宗立為京兆尹累官刑部尚書後為淮南節度
使諷諸道輸貨助軍由是悉獻吐突承璀薦之召拜
同中書門下平章事鄴不喜由宦倖進以太子少傅
致仕卒謚曰簡

廖忠

詳忠臣志

五代吳仲舉

詳忠臣志

宋吳中復宋史列傳字仲庶進士及第知峨嵋廢淫

欽定四庫全書

湖廣通志
卷四十七

祠代還不載一物通判潭州時御史中丞孫抃初未

相識薦殿中侍御史或以問抃曰昔人恥呈身御史

今豈有識面臺官也中復益勵風節劾宰相梁適劉

沆仁宗飛白書鐵御史三字賜之進龍圖直學士知

江寧郵兵鞭巡轄官中復以便宜戮首惡流其餘又

歷成都府永興軍拒行青苗法後闕內大旱請賑恤

流亡執政惡之謂為不實削一階起知荊州坐過用

公使酒免卒年六十八中復樂易簡約好周人急士

大夫稱之從孫擇仁

馮京宋史列傳字當世江夏人少雋邁不羣鄉舉禮部廷試皆第一時尚未娶張堯佐欲妻以女京力辭出判荆南府事還修起居注時吳充以論溫成皇后追冊事黜知高郵京疏稱不當黜劉沆請並斥京仁宗曰京何罪但解其起居注旋復試知制誥避婦翁富弼當國嫌拜龍圖閣待制知揚州改江寧府以翰林侍讀學士召還糾理刑獄知開封數月不詣丞相

欽定四庫全書

湖廣通志
卷四十七

府韓琦疑京傲語弼弼使往見京曰公為宰相從官不妄造請乃為公重非傲也出撫陝西請城古渭通西羌响氏界木征官以斷夏人右臂除端明殿學士改御史中丞王安石方議新法更張制度京論之安石指為邪說請加黜逐帝不聽擢樞密副使進叅知政事數與王安石辨論保甲養馬不可行又薦劉攽蘇軾掌外制會選人鄭俠上書言時政謂京可相呂惠卿譖京朋黨罷知亳州尋以資政殿學士出知渭

州值茂州叛徙知成都府蕃部何丹方寇難棕闌聞

京至詣降議者欲搗其巢穴京請於朝禁侵掠給稼器糗糧遣之歸蕃部皆喜受盟願世為外藩復召知樞密院京以疾未至帝遲其來至形之夢因有夢寐不忘之詔隨以觀文殿學士知河陽哲宗立拜保寧軍節度使知大名府改彰德范祖禹論京生平先後為安石惠卿所傾沮中立不倚且昭陵學士惟京在付以樞密必允公論時京已老乃以中太乙宮使兼

欽定四庫全書

湖廣通志
卷四十七

五

侍講改宣徽南院使拜太子少師致仕卒年七十四帝臨奠於第謚文簡所著文集奏議三十卷費師古楚紀蒲圻人天聖二年登宋郊榜進士英敏有才尤長賦咏官至諫議大夫時知諫院范鎮以請建皇儲罷職師古抗疏留之不報遂致仕而歸著有疊秀亭詩草

吳擇仁宋史吳中復傳擇仁字智夫興國人以父任為雍邱主簿因河決得議事朝堂宰相范純仁異之

曰簿領中乃有是人耶會畿內饑多盜選知太康以靜鎮為政盜不入境按治中貴譚正奴犯法正譖之徽宗遣宋喬年往鞠不能得擇仁毫毛罪喬年歸薦之擢西河路轉運使判官從招討使王厚伐青唐有功進集賢殿修撰為京畿都轉運使知開封治宦官楊戩匿賣珠人戩中以事出知熙州終徽猷閣直學士知渭州

陳倬

詳義士志

欽定四庫全書

湖廣通志卷四十七

六

陳求道

詳忠臣志

任獻夫

詳文苑志

盛子充明一統志興國人登崇寧進士親喪廬墓鄉里稱孝多藏書置萬卷閣初與王黼同舍黼登相位一無所求仕為朝奉郎

李義山姓譜字伯高嘉魚人讀書一過能解大義師事朱仲晦張敬夫嘉定中第進士累官金部郎中時稱其行美如瑜節介如石又序其詩為渡江後一大家

吳必大字伯豐明一統志興國人以父任為吉水丞屬權臣指朱子為偽學遂棄官歸早師張栻呂祖謙晚師仲晦深究理學議論守正為儒林所重

馮洽

詳文苑志

邵應豹字起南其先淳安人父遊武昌生應豹家焉明一統志豹舉嘉熙二年進士為常德司戶歷知江夏寶應潯州皆有惠政府志豹以母老辭祿侍養時丁賈二相皆與同年當路薰灼豹獨絕之幼篤孝母疾醫須鵲肉和藥豹默禱鵲自投於庭母遂愈其後居喪哀毀成疾再祥不禪及老杜門謝客吟咏自適其出處進退皆能守禮度義卒年九十五爵淳安縣男食邑三百戶

元何槐孫字德字蒲圻人幼穎慧日記數千言泰定四年成進士初授宜黃尹洞燭民隱人不敢欺值歲饑勸賑有方再推德安雲夢俱著政聲至正二年遷慶元路總管府推官申條約決疑獄未嘗以聲色加

欽定四庫全書

湖廣通志卷四十七

七

人而委曲得情閩郡畏服著有善政指南書及碑碣

諸文行世

舊通志

李英楚紀嘉魚人元末保障鄉閭從叅政阿魯輝復武昌有功授校尉甲午秋斬黃祝寇以舟師溯武昌英伏兵江中擊賊溺死者無數授黃州府同知以疾辭不赴

明劉任明一統志武昌縣人元四川行省叅政洪武

初召為兵部尚書後出為廣東行省叅政以善政聞

欽定四庫全書

湖廣通志
卷四十七

東莞伯何真降附任處之得宜召為應天府尹

曾泰楚紀江夏人洪武初以秀才徵上重其學行每

慷慨論事言無不從起拜戶部尚書

蔡哲分省人物考字思賢武昌縣人洪武初任右司

郎中奉命詣贛州招諭熊天瑞遂遣子入朝又命往

蜀報夏明昇聘挾畫師同往圖其山川險要因言昇

可伐卒用其策進叅政復召為御史以所舉御史某

犯法被劾免官及卒上深惜之

劉維楚紀咸寧人洪武初徵詣金陵諸司營構咸資
草創授工部尚書

周縉分省人物考字伯紳武昌縣人洪武初授永清
典史攝縣事以廉幹稱靖難兵起守令相率迎降縉
極力拒守兵寡不能敵懷印而南道聞繼母喪歸終
喪糾義旅勤王聞事定匿民間後械至京下獄謫戍
興州以子代得還

周獻縉長子縉謫戍興州獻為家督撫諸弟極友愛

欽定四庫全書

湖廣通志
卷四十七

鄉黨宗族無間以子源貴贈監察御史

舊通志

魏觀分省人物考字杞山蒲圻人國初被徵與劉基

宋濂同謁上與語奇之授平江州學正歷遷兩淮都

轉運入為起居注洪武初命侍太子說書大本堂及

授諸王經三年轉太常卿改定諸祀典稱旨集大明

志成進國子祭酒四年廷試進士觀與孫吾王俱為

讀卷官得吳伯宗等一百二十人坐考祀孔子禮不

以時奏謫知龍南縣未至即召還為禮部主事廷臣

薦觀有治才出知蘇州府懲苛政敬老恤民建學宮
舉鄉飲禮聘名士風教勃興擢四川行省叅知政事
父老疏留命還郡以修府署浚河事御史張度誣奏
之與高啟等並坐上尋悔之命所過致祭皇太子
諸王哀賻有加乃歸瘞賜祭葬

王允茂分省人物考字才英蒲圻人嗜學通經與兄
志學相友愛洪武十八年舉明經授泰寧令釐革弊
政民情翕然太祖錫丹符以旌之卒於官

欽定四庫全書

湖廣通志
卷四十七

十一

宋忠楚紀字德敬崇陽人洪武初令清流興學剔弊
有羣盜嘯聚忠抵其巢撫之俱降立巡檢以管束之
遷刑部員外清流士民請於朝擢汀州知府

成務楚紀字惟幾興國人洪武丙子舉人授廣元諭
適御史按邑率諸生郊迎望見行李繁重遽麾諸生
返御史至問生員何在對曰行李甚盛恐壞士子心
術御史奇之以敢言薦擢行人使還羅政御史永樂
間設貴州省上顧見務英偉曰黑御史可任按察使

務往振揚風紀貴人以鐵面稱之歷官二十五年未
嘗攜家

范俊分省人物考大冶人洪武間以貢拜監察御史
歷陞左僉都御史以風裁見稱權貴避之

劉仲廉楚紀江夏人洪武乙丑進士淳質有守永樂
初營建北京多效勞績陟工部侍郎轉尚書

鄧真分省人物考字存誠江夏人永樂辛卯進士授
監察御史上疏言時務十事擢山東臬司獄詳明

欽定四庫全書

湖廣通志
卷四十七

十一

政事通敏轉布政使受民如子卒於官士民像祀之
王愷分省人物考字時舉允茂子永樂甲申進士知
江寧諸務煩劇處之裕如命撫畿甸逋氓旋集上問
戶部錢穀出納面對不爽進左中允時漢庶人構陷
宮僚下獄愷誦讀不輟宣德初補廣西僉事猺獞為
亂遣文武將臣同愷往撫底平賜遊後苑觀元宵燈
愷疏陳六事特賜俞允征大藤峽襄翊有功至潯州
建學校荒徼向化轉廣東左叅議往撫欽廉叛寇事

平刻石招遠山

陳智分省人物考字孟機咸寧人永樂丙戌進士授
監察御史按閩斷書生張疑獄按南畿捕奸黨數十
置於法擢陝西按察使剪猾理滯囚圖為空洪熙初
入覲兵部奏以馬給朝覲官歲納一駒智上疏謂職
官牧民而令為戶部孥馬失朝廷禮下體非新政所
宜仁宗嘉納之父喪廬墓服闋乃泣陝陝饑連有大
役皆止之宣德中進江西右布政永豐張子良亂智

欽定四庫全書

湖廣通志
卷四十七

十三

戮其首餘黨皆宥免正統初進都御史數平反大獄
御史張最訊囚失實智笞之最遂誣以他事落職歸
楊昌楚紀字文昭崇陽人永樂壬辰進士授監察御
史守制起補貧至不能趨朝後為山東道是時法尚
嚴奏免坐死者三百人性耿介彈劾不避權貴宣德
四年出為浙江僉事賊據百丈山蘆弄洞頻出金衛
剽掠昌亟攻之圍其山賊首自經餘皆散七年考滿
以疾辭歸正統二年少傅楊士奇少保楊溥薦昌可

大用及引見上嫌其鄉語補廣東按察使士奇曰何
為猶土音耶昌曰世楚人奈何效齊語媚時居廣東
三年致仕歸年八十六卒

龔伯寧字文卿明一統志崇陽人永樂甲辰進士知
新昌公明廉介鋤強息訟勸課農桑鑿天寶山引水
灌田甚廣人覲卒於都

王竑字公度江夏人正統己未進士授戶部給事景
帝監國廷臣伏闕劾中官王振罪錦衣指揮馬順叱

欽定四庫全書

湖廣通志
卷四十七

十三

衆令起竑奮臂捽順髮齒其肉百官爭捶順死直聲
大振旋因邊警擢僉都御史督守居庸諸關事平巡
撫淮揚兼總督漕運官弁畏服歲大饑盡心賑救全
活者百八十萬人英宗復辟石亨論其擊順事罷為
民天順四年復起原職征平涼寇平歷官兵部尚書
致仕卒諡莊毅賜祭葬

明史稿

辛浩分省人物考字養正江夏人正統戊戌進士任
監察御史彈劾不畏權勢謫戍遼陽乃選教將校子

弟皆有成天順中復其官

盧中楚紀字守正蒲圻人父貴賢性嚴中奉命惟謹正統十年成進士歷員外郎中居布衣蔬食遇權璫貴戚屹然弗少遜門無私謁用法不撓父嘗鞭之甘受焉及叅議浙江歸守父訓蕭然無一物人盡稱其廉樸而父名益彰云

李田分省人物考字舜耕嘉魚人景泰甲戌進士歷戶部郎中成化初督餉征蜀有功擢廣東左叅議海

欽定四庫全書

湖廣通志
卷四十七

十四

南夷叛抵穴懇諭夷皆効順進左叅議辦綵幣豐印之弊累遷副都御史巡撫京畿歲饑發廩全活萬人嘗建議增漕以足邊餉嚴令以警邊烽給財以市戰馬設法以完隊伍專任以責成功申禁以息囂訟皆允行之中官汪直用事怒田不私謁遂致仕歸

劉諒分省人物考字守貞興國人景泰間監生授鹽城令延禮良師訓誨庠士暇則出郊勸農親授耘刈之法值蝗禱於城隍蝗皆入海死歲旱禱輒應雨不

出境有一村雨不及廉其故得妻殺夫之寃人尤異之宿民舍夢有赴愬者明日猶投竈死命掘之下一古墓為徙葬焉淮賊喬亮屢捕不獲賊過鹽城上官責諒捕之喬曰毋累仁賢父母自投聽解出鹽城境仍亡九載考績民不忍舍復留三年致仕歸

龔晟字德輝蒲圻人幼而穎異天順甲辰進士授御史按廣東時寇猖獗疏陳兩廣不協必建制府以大

欽定四庫全書

湖廣通志
卷四十七

十五

臣總督軍務策應乃無齟齬上嘉納行之成化十一年孝宗六歲尚處西宮中外慮萬貴妃為害首請建立東宮儲位以定尋疏論元宰李時量移貴州叅議歸卒

舊通志

徐鏞楚紀字用和興國州人成化己丑進士授行人拜監察御史巡視通州奏定漕卒輓輸著為令州人便之復按福建疏災異四事會星變請免慶成宴謫鎮原令歲饑移民就粟多所全活尋改臨潼父老泣送之後總督漕運持法糾邪軍民沾惠卒賜祭葬弟

鉞弘治庚戌進士仕至知府鉦癸丑進士官太僕卿
向珍分省人物考字子席大治人由太學授廣西興
業令木頭尙寇猖獗集民守禦成化乙酉韓雍為總
督賊扼其要路使不通珍潛往見之韓奇其來委以
便宜遂破賊以火攻搗其穴擒斬其衆韓上其功陞
鬱林知州未幾卒民祠祀之城北有向公井珍備賊
時所禱泉也

吳廷舉字獻臣嘉魚人洪武中以成籍隸梧州登成

欽定四庫全書

湖廣通志
卷四十七

十六

化丁未進士授順德令潔己愛民都御史徐某欲為
權璫修家廟舉不從適毀淫祠以其材作書院修學
宮廣東盜起陞兵備僉事討平之改兼鹽法時劉瑾
遣官斂諸省庫銀解京意在索羨舉第以額應解又
劾太監潘忠二十罪逮繫獄拷掠枷之十餘日幾死
謫戍雁門逾月宥為民瑾誅召補雲南副使擢江西
叅政討桃源賊深入為所得不少挫久之伺得賊中
要領反執其魁以歸晉廣東左布政使立番舶進貢

交易之法平驛遞之役陞副都御史賑濟湖南土官

相仇殺舉檄諭解疏請陰備宸濠嘉靖初召為兵部

右侍郎上疏忤政府改南工部尋改戶部遷右都御

史巡撫應天中貴張志聰驕橫具疏劾其貪黷狀後

以南工部尚書乞歸衣敝帶穿不事藻飾言行必信

人不能奪所居湫隘無郭外田惟藏書萬卷夜猶披

閱其在太學時兄事羅玘玘病痢僕死自煮藥飲之

負以如廁一晝夜數十返所著有奏書數百篇雜著

欽定四庫全書

湖廣通志
卷四十七

十七

千篇卒年六十六無以為殮都御史姚鎮為營葬湛
若水銘其墓隆慶初追錄賜祭葬加太子少保謚清

惠
明史稿

張璞分省人物考字中美江夏人弘治乙丑進士授

知縣拜監察御史按雲南單車行部遠近凜然時鎮

守中官役軍虐民璞重懲之忤劉瑾逮繫詔獄卒贈

太僕少卿

李承勛分省人物考字立卿田之子弘治癸丑進士

知太湖俗獷悍難治勛以善政變其習徵為南部郎
出守南昌劇賊驕藩內外孔棘勛屢進戰諭降王奇
斬賊胡雪二酋華林賊平境內安輯即疏請蠲租八
年桃源賊起江浙勛策賊所由間道設伏破之歷陞
都御史巡撫遼東節省積羨為戰守芻糧備邊境以
寧嘉靖初晉兵部尚書提督團營惡郭勛驕縱剪其
羽翼十年詔問耕桑禮勛言禮有儀文政有根本惟
上下節儉墾田興水利足民衣食為今日急務又問

欽定四庫全書

湖廣通志
卷四十七

十八

郊禘以正經術順人心對卒贈少保上親製真章謚

康惠子救官益府長史

參舊通志

戴書分省人物考字天錫崇陽人弘治壬戌進士授
南京大理寺正諫獄原情出補四川僉事持守廉潔
多所興革歷陞苑馬少卿備兵甘肅上安邊疏病歸
家居十載無儋石儲備兵臨安平尋甸安銓之亂以
大學士李時薦巡撫貴州時因寇擾不靖上八可征
策區畫精詳人服其識平生剛方儉約所至有冰蘖

聲卒賜祭葬

胡濂分省人物考字深甫崇陽人幼穎異鑽研六經
性至孝昨夜焚香籲天以祈母壽母病躬侍湯藥晝
夜不解帶兄弟分產涕泣數日田地自取磽薄者弘
治乙酉舉於鄉九試禮闈不第授四川定遠令遷邑
築城百姓安堵陞知蘭州未行卒蜀人祀之有疾病
就禱輒愈

欽定四庫全書

湖廣通志
卷四十七

十九

劉珂分省人物考字公珮興國人弘治丙辰進士令

長洲興學校除盜賊墾民田三千餘畝興水利七百
一十處置義冢三毀淫祠十會有濬河之役水部奏
徵郡屬僱役錢珂力言於當道疏請奏免歲省費不
下十餘萬補太僕丞奏革本寺丞四員陳備邊水利
八事逆瑾亂政乞休歸

鍾湘分省人物考字用秀興國人弘治壬戌進士授
戶部主事擢知漳州府會鄰廣山寇倡亂合一省兵
殲之芻粟日費數百金悍卒不可法馭湘區畫有度

率死士先搗巢穴縛其首悉給脅從者牛粟而遣之
餘賊感泣不戰而巢遂空海寇聞之亦皆就降以功
進階三品祿視叅政歲饑多方賑濟忽疾篤庫有餘
羨數千兩署印者欲私分之湘曰汝欲污吾名耶悉
登簿籍擢廣東叅政未行卒

韓楷字以正江夏人正德辛未進士授刑科給事遷
掌禮科以議大禮廷杖出為知府歷任雲南巡撫舊
通志

欽定四庫全書

湖廣通志
卷四十七

孟廷柯分省人物考字培之武昌縣人正德辛未進
士任大理寺副與修撰舒芬等諫武宗南狩謫戶部
照磨嘉靖初累擢雲南叅政

仵瑜明一統志字忠甫蒲圻人工部主事紳之子舉
正德庚午鄉試第一丁丑登進士授禮部主事世宗
踐祚上勤聖學篤親親開言路敬大臣選諫臣去浮
屠拯困窮重守令修武備儲人材十事皆嘉納之以
原官提督四譯館是時四譯朝貢如哈密佛郎機諸

國中朝權貴黷其實賂而諸國亦各以貨取鉤致積
有輕心惟朝鮮最恭謹彬雅有上國風瑜則示之以
禮輕重畏懷之罔不悅服後議大禮忤旨廷杖卒隆
慶初贈光祿少卿蔭子密國子生參郡志

胡堯元分省人物考字廷猷蒲圻人正德辛未進士
授戶部主事以忤權貴謫高郵州同知轉瑞州府通
判己卯夏運糧吳城宸濠叛乃間道還瑞守宋以方
被擒元攝郡事泣諭士民死守請兵王守仁即日具

欽定四庫全書

湖廣通志
卷四十七

疏朝廷得奏即擢守瑞州逆黨李蕃掠瑞元偽稱迎
降伏發擒之從督府攻南昌戰黃家渡師次鄱湖與
伍文定縱火焚賊舟遂縛宸濠定紛亂清獄訟輕徭
役恤旱澇建書院以功擢廣西叅政征思恩冒瘴卒
桂林人祠祀之贈右布政使司

汪文明字希舜崇陽人正德丁卯舉人為順慶教授
進諸生語以正學先行後文知彭澤縣稱難治勸農
課桑民日殷阜未幾以勞致疾彭民禱於丹景山及

九隴山竟不起

舊通志

汪文盛分省人物考字希周崇陽人少穎異與兄丈明友愛篤至正德辛未成進士授饒州府推官時宗藩驕恣悉繩以法搆誣逮繫日從犴狴中誦春秋三傳釋還會桃源寇起檄往視師規畫多中入為武選主事諫南巡械杖幾死嘉靖初擢車駕郎中清冗員抑璫戚出守福州建三山書院築羅源諸邑城處琉球諸國貢使還浙江督學闡明正學交人莫登庸竊

欽定四庫全書

湖廣通志
卷四十七

五

奪稱兵以才望拜右僉都御史巡撫其地宣布恩威選厲鋒銳卒致底定進大理卿病歸卒賜祭葬著白泉文集

詹文光字用賓江夏人與弟文慶子乾同舉於鄉嘉靖己丑成進士歷官知府有廉聲以親老歸養生平不愧衾影考道問業者常滿戶外

舊通志

馮世雍

詳文苑志

郭懋三楚文獻錄字子德江夏人昭信校尉郭用裔

孫中嘉靖己酉舉人授杞縣諭流賊薄杞邑令棄城走懋毅然居守民藉以安兩臺異之檄代行杞事城久圯且無軍食令城中樓居者出板片補城隙又令戶出粟一升富者倍之咄嗟而食辦圯皆治賊薄城張蓋鼓樂巡其上以密計縛其來探者賊遂遁去事聞遷威遠知縣丁艱補舒城舒多逋賦立法簡易民爭來輸未及期額已完故事馬歲一徵駒為白御史請計值以銀代民便之江北永為例擢趙州牧奸民挾弓矢騎駿馬取人道上懋令所屬沿途為牆使不得馳突行者得無患薦治行異等以忌者中傷力引歸子三次正域後貴贈如其官

欽定四庫全書

湖廣通志
卷四十七

三

侯應爵字天錫江夏人嘉靖戊午鄉舉授乳源令清浮糧二百石曲江為韶首邑役頗煩應爵代為均之鄰邑訟不決發令審理能持平聽斷韶人德焉攝篆新會創建海城遷廉州同知以勦羅旁首功超遷羅定僉事擒猺寇飛龍飛虎等撫其眾遷貴州叅議以

母老歸地方利病知無不言楚賦徵米以食衛軍謂之府米力請當道裁其半卒年七十七

呂調音字宗夔江夏人嘉靖辛卯舉人知汝陽遷眉州牧俱稱廉平宦歸如寒士知汝時識巡撫趙賢於總角及賢撫楚數式其廬一無所請某王以罪將廢行千金為壽大怒揮去沒後趙為表其墓

以上舊通志

熊桴分省人物考字元乘武昌縣人嘉靖庚戌進士

欽定四庫全書

湖廣通志
卷四十七

三十四

知太倉勸農興學革庫役諸費倭寇入犯時承平無備桴城守五晝夜倭退明年復至以舟師逆擊破之功上累陞蘇松兵備南沙寶山之役擒賊首王直捷聞賜金幣進副使金山軍亂單車召諸將吏答之誅其首惡事遂平建城開渠增補田賦陞雲南叅政女官素儀為亂撫降之移山東會通河決桴相地要害鑿渠築隄分導三河水患以息進浙江右布政海寇曾一本圍廣東擢僉都御史往撫之上平寇四策行

鄉約保甲團練法奏蠲魚鹽逋課造戰艘拊士民區畫具備然後進兵擊一本於潮海敗之疏請置一縣仍檄安南備境上勿令南逸賊分據焉耳嶼牛田洋撤閩兵圍之一本誘日本王丘古所寇惠州值把總周雲翔叛為倭內應桴急縱火焚賊縱反間誅雲翔獲丘古所隨擒一本於蓮花澳以功進副都御史積瘁卒於軍贈兵部侍郎賜祭葬廕子入監

尹相三楚文獻錄字商衡嘉魚人嘉靖壬辰進士授

欽定四庫全書

湖廣通志
卷四十七

三十五

行人遷南刑垣南太廟災疏陳六事上嘉納之糾劾武寧侯配享霍尚書紛更晉北吏垣都諫時嚴嵩父子擅權相正色獨立嵩銜之會御史何維柏疏論嵩嵩遂奏相黨維柏被逮下獄廷杖八十楊繼盛周怡同在獄見相灑然無怨色歎曰蒙難正志尹子庶幾再閱月釋歸一驢一僕就道抵里門簑笠躬耕穆宗即位以遺詔錄言官堅卧不起加秩太常致仕方逢時三楚文獻錄字行之嘉魚人嘉靖辛丑進士